



2022

UKIUQ TAMAAT UNNIUDJUTIT
IGLUIN AULADJUTITIGUN AKITUTILAANGINNUT
KATIMAJIIT
NUNAVUNMI

IGLUIN AULADJUTITIGUN AKITUTILAANGINNUT KATIMAJIIT NUNAVUNMI

UKIUQ TAMAAT UNNIUDJUTIT

Nungunianun ukiup Ubluiqtirvia 31, 2022

Igluin Auladjutitigun Akitutilaanginnut Katimajiit Nunavunmi 2022 Ukiuq Tamaat
Unniudjutit

Maligaliuqtiujunut Maligaliurvingmi Nunavunmi:

Quviahuktunga tunilugu Ukiuq tamaat Unniudjutit hapkunanga Igluin Auladjutitigun Akitutillaanginnut Katimajiit Nunavunmi haffumunga maniliqinikkut ukiuq nungunianun Ubluiqtirvia 31, 2022.

Titirluaq Atiliuqtaujuq umanga:

Minista David Joanasie

Minista Munaqhijjuq hapkuninga

Auladjutitigun

Akitutillaanginnut Katimajiit

Igluin Auladjutitigun Akitutillaanginnut Katimajiit Nunavunmi 2022 Ukiuq Tamaat
Unniudjutit


Qitiqqautijug 12, 2023

Nan'ngarijaujuq xxx
Minista Munaqhijug hapkuninga
Igluin Auladjutitigun Akitutilaanginnut Katimajiit
Nunavunmi

Halu Hivuliqti,

Nan'ngaruhuktunga tunilugu Ukiug Tamaat Unniudjutit hapkua Igluin
Auladjutitigun Akitutilaanginnut Katimajiit Nunavunmi ukiup nungunianun
Ubluiqtirvia 31, 2022.

Pittiarnikkun tunijaujuq,



256 446-6226

Monica Ell-Kanayuk
Ikhivautalik, Igluin Auladjutitigun Akitutilaanginnut Katimajiit
Nunavunmi

Igluin Auladjutitigun Akitutilaanginnut Katimajiit Nunavunmi 2022 Ukiug Tamaat
Unniudjutit

Igluin Auladjutitigun Akitutillaanginnut Katimijiit Nunavunmi

1. PITQUJAUJUT

Una Iglut *Auladjutitigun Akitutillaanginnut Katimajiit Maligaq*, piliuqhimajuq upinngakhami 2001, aallanguqtirutiqaqhunilu aujami 2010, akhuurninnga tunijaa URRC-kunnut pipkaidjutigiami uqaudjiutinirmik Ministanut akikhanganut taaksiliqininnganiklu atukkiqtaujukhaq tikkuqaqtauhimajunit pauwatuutingit aallatlu ihumaalutigijajut apiqhiqtaujut ministamit Munaqhijuq hapkuninga URRC-kunnik. (Ihivriuqtut Katimajiit).

Ataani Maligarmi, tikkuqaqtauhimajuq uumaqutit naunaijaqhimajuq *imaatut; uumaqutikkut atlatqiinikluuniit uumaqutingit tikkuqaqtauhimajut maliruagakhami:*

Ilaqqaqturlu imaatun, kitulliqaak tunijuq hunavalungnik ikajuutiniklu inungnun:

(a) Kuapuliisit nanminirijajujq munarijajurluuniit Nunavut Kavamatkunnit, talvuuna una Maligaq pijujq maligaliuqhimajumit maligarmilluuniit piliuqhimajuq titiraqhimajumi 20(1)(a):

(b) havagvinga titiqiqivingaluuniit Nunavut Kavamaup talvuunga una Maligaq pijujq maligaliqinikkut maliruagakhat piliuqhimajuq titiraqhimajumi 20(1)(a):

Igluin Auladjutitigun Akitutillaanginnut Katimajiit Nunavunmi 2022 Ukiuq Tamaat
Unniudjutit

(c) inuk timiqutigijaujurluuniit naunaiqhimanngittuq titiraqhimajumi (a) uumaniluuniit (b) talvuuna una Maligaq pijuuq maligaliuqhimajumit maliruagakhaq piliuqhimajuq titiraqhimajumi 20(1)(a).

Qulliq Alrujaqtuqtunik Ikummadjutit akhuurutaukmat Nunavunmi Qulliliqijikkut, Tikkuqaqtauhimajut Auladjutitinginnut, piinarialik URRC-mut ukunuuna *Igluin Auladjutitigun Akitutillaanginnut Katimajiit Maligaq.*

2. PIDJUTAA

Pidjutaa ukua Igluin Auladjutitigun Akitutillaanginnut Katimajiit titiraqhimajut uvani Ilangani 7 haffumani URRC-kut Maligat:

Pidjutait ukua Igluin Auladjutitigun Akitutillaanginnut Katimajiit imaatun:

- (a) uqautilugu munaqhijuuq Minista haffumunga tikkuqaqtauhimajuq auladjutikkut pidjutigiblugin ajuqhautinginnik akingit uvalu taaksiliqininnganiklu uvani titiraqhimajut 11 talvunga 18.*
- (b) uqautikugu Munaqhijuuq Ministanga auladjutikkut tikkuqaqtauhimanngittumit auladjutikkut piqaqtut apiqhuutinik tamna Munaqhijuuq Ministanga uqaqtuuq ihumaalutigijaujunut akingit, taaksiliqininngit akingitlu aktiilangit,*
- (c) uqautilugu Munaqhijuuq Minista qujaginaq auladjutinun ihumaaluutaujut qujaginaq pidjutiqaqtut pauwatungnikkut naunaijaqtauhimajuq haffumunga munaqhijumin Ministamin uqaudjutainun Atangujat Katimajiit,*
- (d) uqautilugu Ministangat ihumaalutigijaujut hunavalungnit pijut atukkiutinginnit pidjutinginnut hunavalungnik ikajuutiniklu pijut talvunnga Ministamit pitqujaanun Atangujaujut Katimajiinginnit,*

Igluin Auladjutitigun Akitutillaanginnut Katimajiit Nunavunmi 2022 Ukiuuq Tamaat
Unniudjutit

(e) uqaudjujuq Ministanga uvunga Qulliq Alrujaqtuqtunik Ikummajutiit, mikhaagut uuktuutini angirutikhanik angjjunut havaktaujukhanut ataani ilangani 18.1 uvani Qulliq Alrujaqtuqtunik Ikummajutiit Maligat.

3. TIMIQTIGIAUJUT

Ihivriurningit Katimajit piquqtut tallimanik ilaujut tikkuqaqtauhimajut katimajijut pingahuni ukiuni katimajukhanik. Minista munaqhijuq hapkuninga URRC-kun tikkuqaqhijut ilaujukhanik hapkununga Ihivriuhijut Katimajinun tikkuqaqhilunilu atauhirmik ilaujukhamik ukununga ihivriuhijut katimajit ikhivautalik atauhirlu tugliq ikhivautalikhaq.

Talvanga Ubluiqtirvia 31, 2022, hapkua URRC-kunun ilaujut:

Monica Ell-Kanayuk	Ikhivautalik
Graham Lock	Ikhivautaliup-tuglia
Robbin Sinclair	Katimaji
Nadia Ciccone	Katimaji
Bill Williams	Katimaji

Tikkuqaqtaunia Nadia Ciccone nunguttuq. Titiraqhimajumi uvani 3 (6) taffumani URRC Maligaq, katimajingit taffumani Ihivriurningit Katimajingit pihimaniaqtait ilaudjutitik tikkuqaqtauffarumik imaaluuniit nutaaq katimajikhaq tikkuqaqtaukpat.

Havaktukhaqhiuqtit Ilaujut uvani 2022

Uvani 2022, piquqtuq qaffinik uuktuqaktut nalvaariami uuktuqtut. Hivuliq atulihaaliqtilugu 2022 humi Hivuliqti tujuqtitaubluni titirarmik tamainun MLA-nun qiniqhiajunun uuktuqtunun.

Tukliq talvuuna tautuktaunikkut tujuqtaujuq tamainnun nunallaanun. Pihimajuq Tattiarnaqhilirvia 1 talvunga Ubluirvia 1, 2022. Una kinguliq uuktuut hivumuuqtitaujuq hapkununga Inuk Nunavunmi angigutaanun paqitaukpat.

Katimajiullaktut

Igluin Auladjutitigun Akitutilaanginnut Katimajit Nunavunmi 2022 Ukiuq Tamaat
Unniudjutit

Munaqhijuuq Ministaat URRCKut, pitqujaugumi Katimajiinut, tikkuahittaaqtuuq, ilagivlugit katimajiinut tikkuahittaaqtuuq ataani. Titiraqhimaajuq ilangani 3 (1) uumani URRC Maligaq, amigaitqijaungittunik malrungnik katimajiullaktukhanik Ihivriurningit Katimajiit pidjutikhaanut ihuaqhailutik pidjutigijamut ukununga Ihivriurningit Katimajiit naunaikhittaaqtut pijakhait havaarijakhaillu katimajiullaktut. Katimajiullaktut ilaungittut uumani maniliurnirmut ukiungani.

Atanngujalluag

Ataani Ilangani 3 (9), Ihivriuqtiit Katimajiit tikkuahittaaqtut tukimuaqtikhamik ihuaqhahittaaqtuullu hivitunikhait hulidjutikhaillu tikkuahittaaqtunirmi. Havaktakhait atanngujalluag ataani Ilanga 3 (10), atanngujalluag piniaqtuuq (a) tutquumajakhait qanuriliurutainik tamainik Ihivriuqtiit Katimajiit tiguhamakutiklu tamainik Ihivriuqtiit Katimajiit tutquumajainik titirautainiklu; unalu (b) havaklutiklu havaqujainik allanik Ihivriuqtiit Katimajiit.

Qaujijahijit

Titiraqhimaajumi uvani 8 (1) (b) taffuumani URRC Maligat, uvani 2018, URRC-kut ilauliqutut angiqatigiplugit Alberta Utilities Commission ihivriuhidjutikhainik imaalu piliurutikhainiklu ikajuutikhanik pidjutiaqtunik URRC-kunut. Ukua Alberta Utilities Commission tikkuahittaaqtut Mr. Wade Vienneau tunihijukhaq ikajuutikhanik tamainun uuktuutinun pijajunun.

Mr. John Donihee havaktitauhimaaqtuuq titiraqhimaajumi Ilangani 8(1) (b) URRC Maligat Maligatigut Havaktiupluni URRC-kunut. Mr. Donihee URRC-kunut hivitujumik

Igluin Auladjutitigun Akitutilaanginnut Katimajiit Nunavunmi 2022 Ukiuq Tamaat
Unniudjutit



ilihimangmat ajuitutlu aulapkainikkut nunaqaqqaqtut maligaliqinirmut unalu
maligaliqinirmut katimadjutit.

Igluin Auladjutitigun Akitutillaanginnut Katimajiit Nunavunmi 2022 Ukiuq Tamaat
Unniudjutit

4. MANIIT ATURUTIKHAINNIK

Uvani 2022 hapkua Ihivriurnikkut Katimajiit auladjutait imaalu ihuaqhainikkut manikhait imaa \$341,000.

2022 Igluin Auladjutitigun Akitutlaanginnut Katimajiit Maligaq Ihuaqhainirmun Malikhat	
Akiliqtugaq Huna	Itqungniarutiluat
Havagaaninaqtut Akiliuhiakhait	\$192,000
Havakaffuktut Akiliuhiakhait	\$52,000
Tingmidjutikhanut Aullarutikhainullu	\$20,000
Atuqtakhanut Tamajanullu	\$5,000
Niuviktauhimajut Pivikhaqautikhat	\$5,000
Katulaatigut Kivgaqtuutit	\$50,000
Akiligakhanut Akiliutinunlu	\$10,000
Takukhaujut Akiligakhat	\$5,000
Qaritaujat Tamajait Qaritaujaliquitillu	\$3,000
Aalat Akiligakhat	\$97,000
ATAUTIMUN Auladjutit Ihuaqhaidjutillu	\$341,000

Igluin Auladjutitigun Akitutlaanginnut Katimajiit Nunavunmi 2022 Ukiuq Tamaat Unniudjutit

5. **NAITTUMIK HAPKUA 2022 PITQUAUJUT:**

Hapkua pitquajujut havaktauhimajut pittiaqhugit akiit mikhaagun hapkua uuktuutit: Ataani Titiraqhimajumi 13. (1) uvani Maligami titiraqhimajut: Ihivriuktiit Katimajiit, unniutijukhat munarijaqaqtumun Ministamun pitquajujumut imaa:

- a) ajuqhautinga pitquajujuq akinga unaluuniit taaksiliqininnganiklu pipkaidjutigijakhaugaluat,
- b) ajurnaut uuktuutigijajumun akikhanik unaluunniit taaksiliqininnganiklu pipkaqtaujukhaungittuq, imaaluunniit
- c) aala akikhat unaluuniit taaksiliqininnganiklu naunaiqhimaajaat Ihivriuktiit Katimajiit pijajukhaq.

Unniudjutit 2022-01 Kugaaruk/Igluligaarjuk Pittiarnikkut Hananikkut Nutaanik Pauwaqarviit

- Malikhugit ukuat qulaani, URRC-kut pitquijut imaatut:

6. **Havaami pijutauluaqtut atuliquajujut**

Tamna angijuq akitujuq havaakhaq laisikhaq angirutimik nappaqtirnikkut nutaamik pauwaqarviit Igluligaarjuk unalu Kugaarjuk, angiqtaujukhat pidjutipluni hapkununga pitquidjutinun.

- Tamna havaakhamut qanurinhait uvani Igluligaarjuk unalu Kugaarjuk ilaujukhaujut najugakhait, igluqpait, tunngavikhait allaniklu hanaqidjutikhanik talvani igluqpangmi havakhimajut aturiagani 40 ukiuni.
- QEC-kut hivulliuqtaujukhat, hivuagun iniqtinnagu pauwaliqivik titiraujarutait, pivallialiurnikkut tuninikkullu, ihumaginikkut Ministamin, nakuujunik pauwaliqivingnik

Igluin Auladjutitigun Akitutilaanginnut Katimajiit Nunavunmi 2022 Ukiuq Tamaat
Unniudjutit

qanurinnikhanik aallanik tamarnik angummadjutinik nunani angummadjutikhanik ihariaginirnik hivulliqpaamun 10-12 ukiuni (hivituningani pitqujauhijaujuq QEC-kunnin) avatqumajumik aturiangani pauwaqarvikhat.

- Taima ihumagijaujut akingat tukhiutinga avatqutpat ihumagijaujuq akikhat Igluligaarjungmi (himmautinga angiqtauhimajaujuq Ministamit) avatqumajaujuq 25 pusanmik, QEC-kut pitqujauniaqtut upalungaijariami tunigiamilu nutaamik MPPA Ministamut munarijalik QEC-kunnut.

- Taima ihumagijaujut akingat tukhiutinga avatqutpat ihumagijaujuq akikhat Kugaarungmi (himmautinga angiqtauhimajaujuq Ministamit) avatqumajaujuq 25 pusanmik, QEC-kut pitqujaujukhaq upalungaijariami tunigiamilu nutaamik MPPA Ministamut munarijalik QEC-kunnut.

- Qajaginirni taapkuaqpiani akiinni nappaqtirni havaktaujukhami ihivriutaujukhat talvani havaakhaq tukhiqtauningani ilaujukhat uvani akitutulaanginni tunngaviani.

- Taimaatun, talvani tuklirmi aturutiqaqtuni GRA, QEC-kut tunivaktun naunaitkutinik mikhaagun piijarnikkut piqutini, pidjutilgit malruungnun MPPAnun, atuqtauhiqtun pitqujauhijaujunlu atuqtaujukhat (e.g., gensets, igluqpanik aallaniklu tamajanik). Una ilaliutijakharaluangit havaguiqpiarninnga piqutin pijullu piijaqtauniq halummaqtirumilu akingit.

Atuliquajaujut

- QEC-kut tunihijut naunaitkutikhanik URRC-kunut naunaitunik upalungaijautikhanik, akikhanik qanurininganiklu halummaqhidjutikhanik tadsa pauwaqarviit,

Igluin Auladjutitigun Akitutulaanginnut Katimajiit Nunavunmi 2022 Ukiuq Tamaat
Unniudjutit

naunaijaidjutikhanik ilalinut akiliqtakhanut najugainut ihuangittut nappaktirinikkut ajuqhautajunik unngavaqtiqtauqpata kivgaqtuidjutikhanit, imaalu upalungaijautikhat ihuaqhaffaarutikhanut/atuqtauningalu ikumadjutikhanut tukliani Atuqtakhamut GRA.

- Tamna hivunirmi MPPAs tunihimaaqtun ihivriudjutikhanik allanik ihuaqtunik upautikhanik/pidjutikhanik taima himiqhimaitumikluuniit (taima uliisingit ihualuangitumik pigiaqaqtunikluuniit aulajunik/hivunikhangitlu atuqtakhanik). Aadjikkutaanik, hivunikhami pauwaqarvikhanut igniqutiqarvingmik uuktuutit pijutiqalaaqtut hivitujumi nalautaarutini ihariagijajunik, kihiani piqaqtilugit ihuaqhautikhanik pigiarutininik pivagiagani ihariagijajut aalanguqpaliatilugit.
- QEC-kut pilimaitpata maniliqtuutikhanik AEF-kunnin pinahuarutimin, aallaniluunniit hivunikhani kavamatuqatkunnin maniliqtuutikhanik ikajurutikhanik pinahuarutininik, uqaqhimajuq qujaginnani Uukturutini IR-kunnilu kiudjutini, taapkuat Minista ilihaqtipkaijuq kuapuriisitkut upalungaijarnikkut tuninikkullu nutaamik MPPAangirutikhamik tammainikkut maniliqtuutikhamik ihumagijauniaqtuq angijumik aallanguqtirutimik.
- QEC-kut pilaaqtut atautikut upalugaijaunmik aulapkariaganilu siksini agijunik havaanik ilituqhagajunik ilikut pigahuanit ilaujumit ihumagijaqaqhutik tikkuahijaagani ihuaqharniginiklu hakuiqpalianiginik ihumalungnarningilu.
- QEC-kut uqautiniaqtait Minista upalungaijaidjutta qakugu nakuuhivalliajaami himmauhirluguluunniit pauwaqarviit talvani nunallaat pauwaqaqpallaaqpaktut 40 ukiuni naupkaqtittilutikluunniit ahirruqtaulutik igluqpamut talvani ihuaqhaffaangnikkut pivikhanik ihuaqtumik ihivriuqtaujaanginni. Una tuhagakhaq

Igluin Auladjutitigun Akitutlaanginnut Katimajiit Nunavunmi 2022 Ukiuq Tamaat
Unniudjutit

pilahijakhaq tukliani GRA ilaliutini tuhagakhat pivigihimajai tahapkunanga parnaudit qaujiharmitlu

Unniudjuti 2022-02. Tamainnut Akitutillaanginni Uuktuutikhaq (GRA)

URRC-kut pitquijut uvani GRA uuktuutimi ukiungani 2022-2023, hapkua:

Maniliurutikhat ihariagijaujut piqutaujait

Tapkua 2022/23 itqungniarutit maniliurnikkut pijakhat imaa \$144.015 miliataala angiqtauluni pidjutiqaqtut hapkununga pitquidjutinun:

- QEC-kut hungiutijait uqhukhaqtaqtut ihuarniqhait nalauttaaahimajut havauhiit iliqhijaamik nalauttaaqaauhimajut uqhukhat ihuarniit nutaanut hunaaqatunulluuniit aallannguqhimajut igniqutiqaarviit hivullinut pingahunu ukiunut aulatjutikhainut. Kinguani pingahut ukiut, atungnirit pingahunu ukiunuk uqumaitilaaqatut aktillaangit atugakhat ihuangniaqtut.
- QEC-kut itqurniarutait najugait ihuaqhaidjutikhat akiligakhat pihimajut havaatigut upalungaijautini havaklugit uuktuutini ukiungani.

Akikhanga piliurninnga pitqujaujut

Nuutpalliadjutikhanga Nunavunmut-tamaat akikhainut angiqtaujariaqaqtut pidjutiqaqtut hapkuninga pitqujauhimajut:

- Tapkua akiit havaktauhimajut katitiriangini \$141.504 miliataala (imaa maniliurnikkut pijakhat imaa \$144.015 ikitqiaq alrujaqtuutikkut maniliurutit imaa \$2.511 miliataala).

Igluin Auladjutitigun Akitutillaanginnut Katimajiit Nunavunmi 2022 Ukiuq Tamaat
Unniudjutit

- QEC-kut nuutivaktut atauhirmik pingahuani qanurliqaa Manikhaanik Akituninginik pijutiqaqtunik pijumajauniginik kivgaqtugalu akiligakhainik. Aadjikutavjanut qanuq havaktainnut QEC kut kirliqaqtittiplugit angijuummiqhugit aturniit kavaungitunni havangittunut akiliqtuijunut imaa 5.1 pusantimik, URRC kut pitqujut QEC kut angijuummirlugu piumaniga akiliqtuijiplu akiliraqhaitigun ihumagiplugu kirlinia tamainni akiliraqhanut aktuqtaudjutigijaa 5.1 pusantimik kavamani havangittunut akiliqtuijunut akiitigun aadlatkiiq.
- Tapkua QEC-tkut havaktait Haamlat Taaksiitigut-pihimajut uvalu Haamlat Taaksiqangitut-pihimajut akiit. Pijutaujunik hunaliqaa akiluanginun akiinun uuktuutit Hamliujuni Itkamtaksinik pidjutiqaqtunik akituninginik Nunalipaujaq Iqalungni naunaiqtaulaaqtut aadjikutavjaa kavamaungitut akiinun.
- URRC-kut pitquijut nutaaq Haamlangit Taaksiliqinirmut-Pihimajuq akinga takujukhaq aadjikutaanik 5.1 pusantimik angiklijuumiqtuq tamaita aadlat kavamaungittut akiliqtuijunut. URRC kut pitqujutlu aadlat kavamani Haamlatmilu Taaksiutilviqangittut akiinnik ihuaqhaqtaulutik utiqtiqtijaami ikiniagutigijajut pidjutihimajut kituni naunaijautigijajunut Nunaliqpaunga Iqaluit kavamani akiliqtuijunut.
- Taimaatun, pingitkumik QEC kut piliurnikkut Haamlat Taaksiutilginnut Haamlatmilu Taaksiutilviqangittut akiinnik, ikiniata piliuqhimajuq Nunaligpaujap Iqalungni naunaijautifaanguqtut talvungaqtajuqhat tamainnut aadlat kavamani maniliqidjutainnut ihumagiplugu uuktuutaa QEC kut.

Igluin Auladjutitigun Akitutulaanginnut Katimajiit Nunavunmi 2022 Ukiuq Tamaat
Unniudjutit

- QEC kut munarivaktait aktuqtauniit piumajaujuq nuutirnia Nunavut-tamaat akiqhainnut (taapkuatlu naunajautifaanguqtut Nunaligpaujap Iqalungni akiliraqhainnut) ihivriurlugulu talvuutigut Nunavut Kavamanga kiudjutinga imaalu/imaaluunnit ihuaqhaqtauhimajut qanuqtun maniliqtuutiplugit hamlatkut. Imaaluttauq, ihuan'ngittut qanurinniit qun'ngiaqtaugumik, QEC kut uuktuutigilugu ilitturipkaqtaujaami akturnarniit.

Unniudjutit 2022-03 Uunaqutinun Akiit Ihuaqhaqhimajuq

Ihumagiplugit uqautigijauhimajut, URRCKkut pitquijut imaatur:

Uunaqutini Aktilaanginnut Aallanguqtirnirnun Uuktuuti

- Taimaa QEC-kut mikhilaaqtirlugu akinga ihumaaluutinga atuqtaujuq uumani uunaqutimut akinga naunaitkutinga umanga 90% uvunga 75% atulirluni Ubluiqtirvia 1, 2022.
- URRC-kut pitqujut QEC-kut takupkaijumajut (atuqhutik nanminiqarnikkut pidjutimik) taimaa nutaat DHS havaakhat manikkut nakuujun imaalu uuktuuti Ministamun pijukhaukpat.

Hivunikhami GRAs ukuallu qanuqtun pitqujaujut

- Taimaa QECkut naunajaijut DHS qaffitaalauniit ilaungitut/piiqtauhimajut maniliurnikkut pitqujait hivunikhani GRA.
- Taimaa DHS maniliurutikhat avatqungitpagit O&Mnga taimatun QECkut uuktuqtukhaugaluat Ministamut upalungaijautikhaliurumagumik ihuaqhailutik qanurinnianik pijariaqaqqata akikhanut aallangurnianik imaaluuniit akiliqtakhanut ihuaqtumik akitujunut uuktuutikhamik.

Igluin Auladjutitigun Akitutlaanginnut Katimajiit Nunavunmi 2022 Ukiuq Tamaat
Unniudjutit

- Taimaa QECkut uuktuqtukhaq Ministamun qanuriniit pingahuujup ilaujut hilataani ihivriurutait DHS pijariaqaqqata akikhanut aallangurnianik imaaluuniit akiliqtakhanut ihuaqtumik akitujunut uuktuutikhamik.

Ilihimalugu hunaliqak hapkunani Unniudjutini pimarlungnikkut pihimalugit ukua URRC-kut ihumagilugit qujanginaq aalat pidjutaijut pidjutigiblugit QEC-kut.

KANADAMIUTAT KATIMAJIIT ILAUJUT UUMAQTIKKUT IHUAQHAIJIT QABLUNAATITUT NAITTUMIK (CAMPUT) IMAALU ILIHARNIKKUT

Kanatamiutat Katimajiit Ilaujut Uumaqutikkut Ihuarhajiit Qablunaatitut Naittumik (CAMPUT) Kanadap Auladjutinun ukualu Pauwakkut Aullapkaijit. Inmikkut-ikajuqtut, maniliungitut katimajiit Kanadami, aviktungniini, aviktuqhimajunilu aulapkaijit katimajiit katimaqjuaqtillu. Hapkuat katimajiit, havagviuvaktullu munaqhijut maligainik alrujaqtuutikkut, imakkut, kasiliikkut, tuqhuatigullu alrujaqtuutit tamainni nunani Kanadami. Ilangit CAMPUT ilaujut munaqhijut maligakhanik pidjutaunun akhaluutit qilanaijautainik.

URRC-kut aulahimaaqtait havaqatigiblugit hapkua CAMPUT. Ilauninga CAMPUT piliuqhimajut tamainnit Katimajiinginnit Katimajiillu qulinit aviktuqhimaninnganit uvalu pingahut aviktuqhimajut ilaujut hapkununga Kanatami Auladjutikkut Katimajiit. Aulahimaaqtullu tikinahuarutinun ihuaqhijuumirlugit amigaitut maliruagakhat Kanatami, CAMPUT ilaupkaijullu qaffinik-maligaliqinikkut katimajiinik ilaujukhat hapkununga CAMPUT.

Igluin Auladjutitigun Akitutilaanginnut Katimajiit Nunavunmi 2022 Ukiuq Tamaat
Unniudjutit

CAMPUT-kut katimaqjuarutait, ukiutigut katimadjutit (AGM) ukualu ilihaidjutinun hulidjutit tunihijut ikajuutigihanik piaghanik ilaujunun hapkununga URRC-kunun kangiqhipkaqtauhimajaamingni nutaanun anginiqhakkut piumajaujut auladjutikkut maligani.


URRCkunun ilaujut ilauhimmaakpaktut katimajunut CAMPUT-kut Ilihautikhainut ukualu Maligatigut Pidjutinun Katimajiit. Ilaujuq Katimajiit aulahimaaqtumik ilihaiqtitijut, ukua URRC kivgaqtuqtaujut uvani CAMPUT ukiuq tamaat maligatigut pidjutaunun tikitkaangat Ubluqtuhivia, Nunaqjuami katimaqjuarutit katimajut uvani Qiqaijarluarviani aviktungniini aviktuqhimajuniluuniin, ukualu CAMPUT ukiuq tamaat katimadjutaini. Tamaita katimadjutit uvani 2022 unghiktukuuqhutik haffumuuna Zoom-kut.

CAMPUT katimadjutit atautimuktitijut ilaujunun katimajiit tamaini Kanatami uqautigiblugu hulidjutit uvalu ajuqhautit tapkua hulaqtijut maligaqaqtut nunallaat.

7. QINIRNIQ HIVUMUT 2023

Hivumut qiniqhuni hamunga 2023, ukua URRC-kut aulahimaaqtumik ihivriurlugit havaklugillu pitquidjutit pidjutigiblugit uuktuutit pijaujut Ministamin munahijumik Qulliq Alrujaqtuqtunik Ikumadjutiit. URRCkut niriuktut uuktuutinik hapkunanga QECkunin pittiaqhugit nutaanguqtirutit/himmauhiqhugit pauwaqarviit, ihuaqhaidjutait haffumunga pauwatuutikhanik naunaitkutikhangit pinahuaruti uvalu Uqhurjuat Akikhainik Ikajuuti (FSR).

PITJUTIGIPLUGIT IGLUIN AULATJUTITTIGUN AKITUTILAANGINNUN KATIMAJIIT NUNAVUNMI



Monica Ell-Kanayuk
2023-06-12

UBLULIQTANIA Qitiqqautijuq 12, 2023
Monica Ell-Kanayuk, Ikhivautalik

Igluin Auladjutitigun Akitutilaanginnut Katimajiit Nunavunmi 2022 Ukiuq Tamaat
Unniudjutit